

湖
海
詩
傳

湖海詩傳卷七

青浦王 昶德甫輯

宋邦綬

字逸才號曉巖長洲人乾隆二年進士官至戶部侍郎
有紅杏齋集

霜鐘

長夜大將曉鐘鳴蕭寺寒響沉和月落聲遠帶霜殘老屋燈
初暗閒窗夢已闌誰將斷續意靜證道心安

思歸

離情日見鳥分飛惆悵傳經心事違江雨山風勞跋涉可知
官好不如歸

觀保

字伯容號補亭索綽絡氏滿洲正白旗人乾隆二年進士官至左都御史

九日同友人登雲光洞賦成卞韻

崖口

地名

初迴獵相於興不違況穿紅葉谷共叩白雲扉窾坎仙關豁青熒佛火微倒垂花片片突起霧霏霏開闢神工大超遙羽駕歸三門藏奧蹟一徑引清暉乳滴殘碑在苔荒古篆稀景光延過客空翠濕征衣慙息塵埃躅潛窺造化機山風任吹帽欲別尚依依

德保

字仲容號定圃索綽絡氏滿洲正白旗人乾隆二年進士官至禮部尚書有樂賢堂詩鈔

秋日

荒村無事掩柴門世味嘗同嚼菜根靖節未歸彭澤里相如
獨守茂陵園風來別院生虛籟苔長空階沒舊痕此景此情
誰會得半床殘帙一清尊

春歸

百計留春春亦歸東君欲別更依依空庭夜雨醒殘夢芳草
天涯怨落暉暉繞樹乍聽鶯百轉銜泥驚見燕雙飛欲尋紅紫
無蹤跡花點池塘絮點衣

錢琦

字相人號珙沙仁和人乾隆二年進士官至福建布政
使有澄碧齋集

渡海歸重經澎湖

柱石砥中流狂瀾面面收有山皆種麥無島不藏洲重到兩

年客孤乘一葉舟何時成利濟消息問潮頭

送魏夏初歸慈谿

連宵情話思依依夢冷西風憶故扉
未信才多偏折命詢知遊好不如歸
板橋霜重人初起江岸潮平雪正飛
贏得手中金線在遲君重整嫁時衣

王會汾

字蓀服號晉川無錫人乾隆二年進士官至吏部侍郎
左遷大理寺卿有梁溪詩鈔

江陰廻舟憶芳三金佩亦文諸子

靡靡迷清景迢迢傍芳澳
水岸一花明殘陽數峯綠
沙鳥下仍飛漁唱斷還續
美人方阻修相思憶如玉

朱光草蟲同年何克思索題

油窗日暖殘霞烘飛絲落絮春濛濛起摩倦眼潑茶乳神興
尻馬遊無窮鯢鵬么麼一氣中人間日曰天池風且隨羣動
自翺躍安用結束誇兒童君不見古來文物埽絕蹤長安畫
史多傭工更無弓刀門褒鄂祇吮鉛粉摹安豐貂蟬插髻有
何好意思蕭索如枯蓬不如朱光草蟲畫手腕所到天機融
荒寒意態入毫楮碧花翠蔓懸秋紅恍然坐我故山裏草根
露濕吟秋蛩開圖索句無忽忽甕天發覆難爲功人生磊落
自可耳不差爾雅箋魚蟲

札克丹鄂佛洛營觀蒙古騎生馬歌

札克丹營氣蕭爽沙坡瀟漫連平壤諸蕃遊騎爭驅入霧鬣
風鬣恣來往呼韓晚上羊羶羹慢城合奏琵琶曲終更呈
舞馬戲奚官碧眼虬髯猱鞭鞘一拂馬齊縱附尾緣鬃不施

韞千夫疾躍萬夫唱雪花旋捲塵飛霜注坡驀礪走僂僂舞
袂交竿捷有神忽然墜地勢驚絕懼如健鶻翻輕身舉後蹶
前雙掣搜凌虛制變爭毫髮馬閒出入馬不知逸態雄姿轉
相發 至尊一顧神沖融人馬咸資控馭工少府金錢服官
綺拜恩蹈舞擎歸籠卡輪競出尋荒壘蒙古諸藩帳房
例在旌門外 簞築風高
山月起 御營燈火燦華星萬帳烟光夜疑紫

喬光烈

字潤齋上海人乾隆二年進士官至湖南巡撫有最樂
堂文集

秦中王素村招飲舟中至虎邱後山遇雨卽次素村
韻

爲喜詩人折簡招山塘十里碧迢迢小橋曲岸連芳草綠酒

紅筍引畫橈山雨忽飛林影暗波光斜漲寺門遙梵王樓閣
溟濛裏好景憑誰寫素綃

夏日與華州王刺史登雁塔

金刹崑嶠上碧空清涼高處拂天風危欄下俯真無地畫拱
層飛欲起虹掃盡炎氛歸象外迴看佳氣滿關中使君應似
高常侍正喜題詩舊日同

阿桂

字廣庭號雲巖章佳氏滿洲正白旗人乾隆三年舉人
以蔭生補大理寺丞歷官至武英殿大學士一等誠
謀英勇公賜寶石頂四團龍補服薨贈太傅謚文
成

蒲鶴山房詩話公保著紫光功存册時鈎名德望所不待言二十餘年爲太
平宰相而意猶不自憚蓋本文勳公之教嘗令其弟鄂文瑞公爾泰朱文瑞公斌

楊文定公名時徐文恪公元夢蔡文勤公世遠承其指授又與王篤林蔣淵顯諸君游處在儒林文苑不以朝客爲長也統兵所至決策如神自在西陲卽親行陣屢著膚功及木果木兵潰後五日而復美諾二年而掃金川甘肅化林坪鹽茶廳同人連年肅勦貪固皆一兩月平之故番王悍將率拱手聽命快服無間言其後偏裨官至將軍提鎮者數十人至督撫者亦十餘人及入內閣愛才好士見官屬必教以慎持名節毋營競見外吏必戒以廉潔自矢毋貪黷所居廳事前僅容旋馬日食不及四簋絕無園林聲色之樂此其薨也天下識與不識皆嗟嘆之先是公從軍於北路及平伊犁收回部拓地二萬餘里上欲置兵屯戍尉益北西北屏藩同事大臣未肯荷其任公獨奏請從容建置後河渠集農功立驛傳築城積穀商旅交集不十年而甌脫變爲都會自嘉峪關西天山以北直接科布多烏里雅蘇臺與喀爾喀諸旗相接而葱嶺以南直抵葉爾羌行者如適堂坐如哈薩克布魯特及北鄙強悍之俄羅斯亦恪恭盡疊公薨後伊犁將軍保公劉眾請建專祠墮象俞允蓋深知遺愛之長也公有作輒焚其稿予偶見而錄之故所存止此

感懷用蘇文忠公寄鼂美叔韻

少小重意氣跼蹐皆前賢惟知一往樂誰能計萬全而今衰
老矣狂直都棄捐心跡聊自慰功成付與天百憂如蝸集擾
擾白髮年雖屢生還想寧知口碑傳胡不賦歸去恣意窮芳
鮮松竹蔭吾廬朝昏飽雲烟涇渭自清濁美醜何憎妍不見

亦不聞幽谷長日眠予有數椽在緡山下擷彼南山茶松枝活火煎一甌
滌內熱快意耽靜便豈必覓丹砂妄與神仙緣醉鄉亦復好
遲惜囊無錢

蘭泉比部初度

瘴地三年客軍中百戰身傳經崇世講

蘭泉鄉試座主夢少司農父子會試座主錢少司冠豫軒及房

師李少司空西華皆先支勤公乙丑所取士

借箸重嘉賓白髮歸還未青銓聚正頻初辰

一卮酒梅放近陽春

話舊贈錢冲齋觀察

憶昔承師範蕭齋只兩人始從親研削直至命冠巾經歷風

波險甘同蔬水貧十年情意重愛我比祥麟

余幼隨冲齋尊人元朗先生受業至登科通籍

終未易師而先生亦別無弟子問一歸浙閱數月卽返京師在南日亦未受館他氏十餘年中閱履憂患甘苦共之不獨文字獎許也

人海藏身久翛然物外情會心耽易理厭俗避詩名貧賤長

如素文章莫與京誰知繼起者尙有父風清

先生秉節高介於手訓接應年好易朝夕不釋

手時有心得卽錄記之以質先文勒公典會所至亦寄吟咏長篇大章有至一百二十韻者然從不以詩自名制舉義極工而艱於一遇時論惜之

祝維詰

字宣臣號豫堂秀水人乾隆三年舉人官內閣典籍有

綠溪詩集

蒲初山房詩話先生少有才名一直薇垣公卿皆爲延譽登張雨相國充器之屬隨蒲輝故隸河遼海風景數見於詩李布衣鐵君謂其怡穆醇靜沈宗伯稱其出素緒作微軀迨上蓋是時風雅中巨擘也然沉淪下秩久之當出補同知而非其意所願量遷內閣典籍乞病以歸未及家而歿余至京師卽尋先生獎許以綠溪詩稿馬爲點定留篋中者垂四十餘年今始歸其孫世守焉子詰亦已謝世別見於後

舟次同陳丹城

連朝多東風向晚灑疎雨漁燈隔暗葦幾點明烟渚照我同舟人寥寥一相語微聞山鐘歇詩思杳何許

夜度長城嶺

已出清涼山行行過臺麓嚴風時刺面餘雪猶塞谷明晨當
度嶺人馬畏促促芻秣乘夜關倉卒戒奴僕冥冥十數里顛
滑冰歷碌嶺頭門不開欲進詎能速予荒山劫却退少村
屋稍前得古寺叩扉橫被逐破廊三尺餘蹲踞各蜩縮手足
骨已僵口鼻氣難續始信苦寒行此況最云酷四更嶺門啟
跨鞍忍皸瘕橫空十八盤千仞更一曲林深易相失徑黑致
互觸仰窺天宇微旁睨地勢感臨高素知戒拾策但匍匐側
身防偶蹉錯此嗟屢跼乍聽颼颼號復恐豹虎伏馬跑雙泉
響挂甲古松蟲俗傳宋楊延
興北中處坡坳旣縈紆崖壁亦重複雞鳴到關
口野店且憊足驚魂擾終宵履坦俟朝旭險阻寧憚勞紀行
聊備錄

泊瓜洲

維舟宿瓜步，欹枕聞驚湍。深夜月微白，長江風自寒。壯情千里濶，歸夢五更安。不奈金焦望，茫茫烟路寬。

二月十五日尋春過偶園憶朱大

暖風到處動吟魂，芳草閑尋近郭村。黃耳隔籬能認客，蒼頭刷筍自開門。春留元亮花三徑，飲乏劉伶酒一尊。迢遞京華游子在，旗亭新唱與誰論。

菰岐招游澈湖

平生未到澈湖濱，此日招邀許問津。葑草綠生雙浦淨，杜鵑紅點萬山春。人思賀監空留宅，情比支公愛結隣。日暮悠然桑竹下，桃源風物古來淳。

翁莊感舊同壺尊作

徑荒苔竹澗荒泉，戶滿蟪蛄只黯然。可記讀書清曉坐，水風

涼到曲闌前

高瀛洲

字翰起號願圃仁和人乾隆三年舉人官太平同知有小稱意齋集

賦燕

雕梁小壘漸泥融修尾長襟門翠紅不愛高飛愛雙宿晚簾消得月朦朧

袁枚

字子才號簡齋錢塘人乾隆元年薦舉博學鴻詞四年成進士官江寧知縣有小倉山房集

蒲清山房詩話子才少慕宏詞旋成進士嗣以散館出爲縣令初在江寧總督尹文端公絕愛其才既丁憂再起至陝西索總督黃文襄吳味芝池上書萬餘言不省送乞病歸得廢園于江寧小倉山下廡泉架石爲二十四景愈闢皆用五色琉璃遊人聞集時與越老成制謝子才來往江湖從者如市太邱遺廟無論贊郎

蘇夫互相酬倡又取英俊少年著錄爲弟子授以才調等集揆之遼東諸侯更招士女之能詩者其十三人稍爲授詩圖燕叔蟬臂傍花隨柳開業于前而子才白頰紅烏泥盼旁觀悠然自得亦以此索當途題句於是人爭愛之所至延爲上客適館投簪而子才又擇其清麗素作食單梓以行世故三十年中婦門納隍爲向來名人所未有才華既盛信手拈來矜新闢捷不必盡遺軼範且清麗爲妙筆吾互用能解人意中蘊結今石庵相公在江寧時聞其高俠將訪而按之子才授以二詩公閱畢而相見頓釋前嫌其詩得力如此然謝世未久頗有違青吳若嵩崇謂其詩人多指摘今予次漢陸謝燕離去我既清新舊逸自無漸於大雅矣深慕謝如又謂其神聖志銘諸文紀事多失實予謂豈惟失實并有與諸人家牋多不合者卽如朱玄端公載岳將鉅鎮李閣學裝裝文遠公曰修其文皆有詩有色彩罕與昔炎二家之後俱屬同年而穆堂先生爲予房師李少司空友棠之祖且予爾至江西見文端後商詢之皆云未嘗請乞亦未嘗識其所作蓋子才遊展所至偶聞名公卿可喜可愕之事者爲志傳以驚當時人耳目初不計信今傳後也

水西亭夜坐

明月愛流水一輪池上明水亦愛明月金波徹底清愛水兼愛月有客登西亭其時萬籟寂秋花呈微馨荷珠不堪惜風來一齊傾露零螢光濕屢響蛩語停感此元化理形骸付空冥坐久并忘我何處塵慮撓鐘聲偶然來起念知三更當我

起念時天亦微雲生

雨後步水西亭

雨氣不能盡散作滿園烟好風何處來荷葉爲翩翩羣花浴
三日意態柔且鮮幽人傾兩耳竹外鳴新泉啁啾一鳥歇閣
閣羣蛙連暝色起倚木斷虹媚遠天蝸過有殘篆琴澗無斷
絃憑闌意清悄與鷗相對眠

八月廿九日同補蘿晴江探桂隱仙庵歸憇古林寺
遊山同隊行看山各自領不逢桂花開且踏桂枝影桂藥何
離離葳意如未遲寒潭明空霜禪室納虛景脉脉夕陽沉冷
冷天風冷道人登竹樓彈琴萬山頂

曳杖隨所如小憇古林寺經聲如有人松花飄滿地一僧長
斜背萬竹短籬翠爲我滌齋厨供以伊蒲味時當晚課齊各

各參佛義余亦慧業人拈花領微示出門秋正清下山月猶未回頭雲一重鐘聲渺烟際

玉泉觀魚

玉泉何澄清銀河移在地戢戢萬魚頭空行渺無際紅鱗色陸離白小影搖曳窺客若有情銜花儼相戲池間荇藻長風定水烟細可惜夕陽沉鐘聲雲外至春山生睡容遊客有歸意回首波紋平淡月僧門閉

聞魚門吏部充四庫館纂修喜寄以詩

文忠天子搜遺書子以文名領石渠士安不用借五車鄉媛福地張華居憶昔蛩蛩附蜺虛兩家簡牒爭搜儲愛而不見心瞿瞿一朝去我翔天都明堂大開招羣儒青藜太乙從從趨四千年物盡輓輸朱文綠字體製殊龍威玉牒元皇符漢

唐所少元明無咸集 舜陞來 堯衢西山光芒燭太虛子
與蘭臺諸大夫雙眸一串牟尼珠部居別白分鎔銖縱難讀
盡在須臾但觀大畧亦足娛有如餓腹餐天厨朶頤未動口
欲吐又如大海遊蟬魚恣汝屬屢樂有餘問誰有此遭逢歟
領百萬軍恐不如我猶未免爲鄉愚聞見狹隘探索疎側身
西望空嗟吁不能從子爲書奴願抄書目遙寄予俾得約畧
知些須此身不負生 唐虞

夜過借園見主人坐月下吹笛

秋夜論秋士先聞水上音半天涼月色一笛酒人心響遏碧
雲近香傳紅藕深相逢清露下流影濕衣襟

起早

起早殘燈在門闌落日遲雨來蟬小歇風到柳先知借病常

辭客知非又改詩
蜻蜓無賴甚飛滿藕花枝

北樓

北斗挂高樓江山一望收
白雲簷外宿清露檻前流
遠樹深藏寺風窻易得秋
飛花雜松子終日打簾鉤

泊舟平望偕齊次風宗伯周蘭坡學士訪玉川居士
輕帆爲我慰離羣得見梅花又見君
三徑苔痕藏草屋一湖水氣濕春雲
風停篆影微微直雨歇鶯聲漸漸聞
彈指來遊剛十載常筵莫惜酒杯醺

題沈凡民蘭亭卷子

有字

凡民與王虛舟裴魯清交最狎
沈王故工楷法五十
二歲時各臨蘭亭一本互角
精能畫者作流觴曲水
貌三人于其中亡何魯清死
又數年虛舟死凡民每

哭一人則跋數語於卷尾乾隆十六年十一月凡民
來白下出圖命題余生晚不獲見裴王兩先生而其
時凡民之官建德余又將赴長安感三友之多情逢
兩人之將別磨墨愴然不能自已

先生垂老淚星星行篋常攜感舊銘一代交情存筆墨三人
顏色付丹青酒杯白社秋來憶玉笛山陽雨後聽五十二年
鴻爪在昭陵風雪滿蘭亭

浮生難挹魯靈光風義羊求事渺茫兩晉書亡王內史六朝
人剩沈東陽金仙次第辭西漢宮女憑誰說上皇惆悵鍾期
來海畔斷琴彈落一天霜

與郭鳳池侍講秦淮話舊作

當頭新月墜纖纖十二年來吏隱兼人似孤鴻雲聚散詩如

老將律精嚴黃梅雨久秦淮濶紅藕花深畫舫添料得憑欄
定含睇六朝春在水精簾

春柳

消息江南又隔年秋千院落碧雲天春心肯落梅花後青眼
常開寒食前十里烟籠村店小一抔風壓酒旗偏遊繯欲綰
愁無力任爾橫陳大道邊

欲訴衷腸萬萬條滿身香雪未全飄新絲買得剛三月舊雨
吹來似六朝綠影自遮南北渡春痕分護短長橋五株一入
先生傳不學柔枝亂折腰

春興

身居宏景三層閣家住香山八節灘愁踐落花時讓路愛生
春水獨憑欄朱藤架老蜂喧早薜荔牆高蝶過難呼取樵青

作僅約幾痕新雨試魚竿

山中絕句

草草亭臺布置餘今年真個愛吾廬牙籤都放西廊下自有
斜陽來曝書

鎮日山腰刷白雲裁量州草話紛紛春衫不用金爐爇自向
百花香裏熏

青蘆葉葉動春潮堤上楊花帶雪飄滿地月明仙鶴語碧天
如水一枝簫

春日雜詩

千枝紅雨萬重烟畫出詩人得意天山上春雲如我懶日高
猶宿翠微巖

水竹三分屋二分滿牆薜荔古苔紋全家雞犬分明在世上

遙看但綠雲

清明連日雨瀟瀟
看送春痕上柳條
明月有情還約我
夜來相見杏花梢

萋萋芳草遍春潭
深院無人綠更酣
何處一聲清磬響
斷峯西去有茅庵

湖海詩傳卷八

青浦王昶德甫輯

沈德潛

字確士號歸愚長洲人乾隆元年薦舉博學鴻詞四年
成進士官至禮部侍郎予告歸加尙書銜贈太子太
師諡文愨有竹嘯軒詩鈔歸愚詩鈔

沈德潛山房詩話先生濠州名場晚登科第歷西林桐城之薦卽蒙
年游歐陽文忠公復旦之歌卷阿矢音之什廢與劉禹錫往昔所無繼以年近八旬
陳情歸老復賜詩以寵其行有云清時老名士吳下舊詩人又有云玉堂
吏今仙客天子門生是故人其嘉獎至於此及鸞輅南巡恩榮賡接加銜
食俸優禮彌隆宜海內誇爲盛事吳中傳作美談矣先生少從學于吳江葉星期
變葉居橫山故阮亭尙書云橫山門下尙有詩人然先生獨綜今古無藉而成本
源漢魏效法盛唐先宗老杜次及昌黎義山東坡遺山下至青邱強邨大復歸子
阮亭皆能兼綜條貫貫白進其全集御製敎育以高玉爲比誠定論也所選
別裁諸集雖千古之風騷與一時之壘坵年九十八而終藝得于
天者厚矣或又有反局而識者真少陵所謂汝曹自黎所謂羣兒爾

制府來

客述制府始末甚詳因成樂府四解誌往事儆後來也

制府來勢炎赫上者罪監司下者罪二千石屬吏驅使如牛羊千里輦重來奔忙鞠脰上壽登公堂制府賜顏色屬吏貼席眠破得百家產博得制府歡制府之樂千萬年一揚旗旌麾三軍制府航海清海氛聲名所到步步生風雲居者闔戶行者側足但稱制府來小兒不敢哭軍中隊隊唱凱還內實百貨裝樓船文武郊迎次且不得近前制府之樂千萬年二解制府第神仙宅夜光錦披牆壁明月珠飾履烏貓兒睛鴉鵂石兒童戲弄當路擲平頭奴子珊瑚鞭妖姬日夕舞綺筵賞賜百萬黃金錢天長地久雨露偏制府之樂千萬年三解太陽照冰山傾黃紙收制府片刻不得暫停輶車一兩千里無人

送迎婦女戟手冒童穉呼其名爰書定在旦夕求爲廝養廝
養不可得盤水加劍請室閒從前榮盛如雲烟制府之樂千
萬年四解

侯氏三忠祠迎神曲

天門高呀然開儀肅肅神靈來神靈來太常公披朱衣冠英
蓉激雷電斷金鐵排趙嬈擊曹節掖庭危邊疆敗公直言搜
螫蠶經百折歷九死死握拳生嚼齒靈在天欣同類揖楊左
肩周魏靈旣來升華堂羞燭炙達羶薌靈安坐奏清徵佩金
殿寒衆體修胖蠻忠孝門聚星辰光乾坤

右祀太常公

諱震明

坎其擊鼓廟庭之下俟我雲車迎我風馬車馬續紛通政降
只飛龍元螭牙角從只血痕斑斑心憤痛只論伸冤獄力折

強藩運丁陽九龍馭升天銜鬚受刀決脰報君精衛填海身
腐心存卞壺授命盱眙從死不辱門風是父是子辭鈞天所
來饗齊明細細繡繡達以精誠鷗臬妖狐伏而不鳴

右祀通政公

諱嗣曾

鬼雄前隊操戈爰髑髏纍纍血模糊飛車兩旁飄絳旗中有
義士髯而鬚髯而鬚侯季子地老天荒鐘鏞遷徙廣柳車內
藏忠臣陳卧事敗連駢棄東市升元冥謁帝局上帝謂而忠
貞相隨而考而兄出入玉闕金庭被髮翩然娛游下土周覽
城郭心悲離黍後車載美人冠帔何容與當年巢破卵不完
連娟修眉殉其主神靈風雨飄飄如醇神清爵神來乎

右祀太學公

諱歧曾

分賦古鼎詩三十韻

龍文高晃朗雲氣覆霑霽丈室神彩凝高座古鼎在肅穆儼
介珪鄭重埒龜鼎蟠螭足參立貫索耳雙對無色不駭聲有
狀悉萃薈藏伏饗餐魂追取鼠屬態鬚鬣天馬羣雕尻鼯鼠
輩上鏤雷同文下鑄乾艮卦卓鄉別俯仰窺輶誌腹背字類
鄒嶧碑銘非考父誠跟肘細分析詰曲空抑噫初疑周虎彝
亦異虞瓦泰比紀獻增價並石鼓稱最腹儉失名號口哇詫
靈怪康瓠俗情閤玉鉉庸耳聵常然嚮易熟啗牛汁堪噉取
却魯非禮售贖朱竟昧染指噓子公覆餗訕元載滋味仗調
變法物諒珍愛器列禋祀時用昭廟堂內正直形不頗靜虛
量匪隘吐景成晶瑩敲雲散埃壙烹煎明作離灌溉澤資兌
寶黃流在中席文茵于外左陳伯索孟右置師僊敦塵劫逾
千秋神游歷三代相對供捫摸雜坐勤盼睐扶風傳瑰奇彌

明謾狡獪博物蒐典藉琢句惡曹卽世寶垂億年作歌期保
艾

泛碧浪湖泊道場山下

泛汎碧浪湖乍離峴山亭

吳興太守段康建亭於山名峴山亭後改峴山

荷蒲無故色寒林

有餘青驚鱗潛水草沙鳥立雲汀但憐空翠過幾忘舟舁行
青山與白塔隱隱如相迎已覩墟落近漸識炊烟生野叟作
吳語相顧殊有情涼月誰共對村酺易爲醒明發入雲去遙
尋清磬聲

九月登賀九嶺初見霜葉

杜詩吳王
賀重九處

陶公愛重九我意同斯語遊興高令節山行覓儔侶已謝籃
輦逸遂陟崇岡阻讌樂想霸圖傳聞匪稽古縱步無近尋流
眄有遠靚隔鳴動齋鐘半嶺聞樵斧楓林點輕霜紅葉燦可

數貌腴神欲凋浮榮難久處超遙偕同游
沈寥感秋序倚杖佇蒼茫輕烟起平楚

游天池

山靈招我深輕策上層阪巔頂涵清池
坎艮象成蹇水寒魚不生穴黝龍疑偃
想當融結初天匠費鐫錘鑑影鬚眉寒洗
心煩鬱遣沿緣把垂藤跌坐藉蒼蘚是時
暮樵還風送歌聲遠雲凝羅徑濕烟動僧
厨飯聊追謝監游詎同阮公返不見青蓮
花羽化空遙緬

竹塢訪文文肅讀書處

山深境亦寒人家住叢竹言尋故相居
指引隨樵收秋籜點林間斜日下蘿屋
登堂緬古人當年此耕讀經術協天眷貞
亮秉鈞軸道直民險夷恩渥輕龍辱會罹
孟博危復遭曲江

逐斯人已云亡巖壑畱高躅望遠重致身懷賢恥干祿清風
激頑懦名山享尸祝何處來溪毛寒泉羞杞菊

曉登小白陽山

山嵐曉濛濛踏雲仰層頂林深光未顯峯折路疑引陟岡輕
嶮巖縱目得深迴遙巒勢環抱隱隱作蕃屏參錯互烟水橫
縱閒畦町是山客少過地阻名未炳仿佛高蹈流韜聲晦箕
穎人嫌洞壑寒我愛松石靜攀條驚鷗棲漱澗分猿飲握蘭
緬道侶雲卧逢真境晞髮巖之幽初陽照孤影

晚入鄧尉山宿還元閣

晚鐘流巖壑尋聲經巖嶂重游二十年雲山故無恙來登四
宜堂聊此息筇杖老桂漸凋殘吾生豈強壯憑軒送遠目百
里納清曠晴雪漫陂陀香楓透屏障花影連湖光夕陽搖滉

漾俄頃寒烟凝遙嵐換形相夜投還元閣高枕鳥巢上風雨驚夢魂松濤入紙帳

經仙掌峯至石屋

文文謝嘗讀書於此

尋山得靈閣險磴緣雲上峯裂十指形云是仙人掌造化弄奇巧畱此意外想蹊危少安步石仄容孤往迴囑途屢變遙睇景難象古洞勢豁訝深入轉開朗境寂返聽真無風動虛響石扇疑啟閉仙蹤乍惚恍哲人耽誦讀於此得幽賞出山嬰華簪罹禍幾鉤黨撫躬審行藏懷賢緬疇曩何如此冥心元珠探象罔

過牖

截流利轉漕險要間版牖奔流挂丈餘玉虹下石硤驚霆擺礮礮鐘懸響鞞鞞未到耳先震乍觀氣已聾客舟排檣竿喧

厓亂驚鳴儒者懼欲弭勇者浪堪踏長年理敵驚鳴金衆夫
集退行索齊挽逆上船疑立忘身與水鬥性命輕於葉人定
終有濟忽奪兩崖入中流自在行安危判一睫出險更思險
心定膽轉怯猛省戒垂堂未敢貪利涉前途浩浩茫願言慎
舟楫

陽鳴

山形如玦環聚族成邨塢東向受初陽和風滿林莽人家菰
花竹傍湖業網罟嫁娶不出邨禮讓成賓主世氛日囂喧隔
水風偏古我行訪林屋失道遵枉渚居人知我至相邀具雞
黍地僻多遠心情真寘浮語把卷懷前哲讀蔡九遠
秦存古詩臨風久延
佇

石公山

青螺點蒼波登陟忽巒岫山石備萬形變態各奔湊荒幻理
所無倣詭境罕觀造物費鐫鑿用力幾莫就亭臺嵌巖阿因
地成締構風出一罅天雲生百尺竇石公與石姥峙立分左
右我來秋已深遙林熟橘柚問齋饌伊蒲隨目觀衆斂夜畱
來鶴亭名巔霜寒伴猿狖

度石碓嶺

谷深沸淙潺山亂圍台沓緣山臨無際注目氣先趨徑仄趾
不受石礙頂欲壓覓路穿高雲盤盤百尺級同行肩難並後
進屐防躡磴危碎石支沙崩古槎接亦知垂堂戒尋幽願深
入到頂身屢疲趨下目轉捷半途不退悔踰險終寧帖寄語
學道人用志慎毋怯

發慈光一路經老人峯緣天都峯趾過斷凡橋上木

梯至文殊院宿

欲窮升仙境言別金仙宅取逕傍嶮巖穿松入蒙密盤盤路
忽高十步三憩息巖深谷虛牝澗瀉泉噴激經過老人峯偃
僂似迎客巖巖陟橫雲境界頓開闢沿緣天都趾仰睇蓮花
苗崖裂容一人磴仄礙雙屐扶掖憑山僧驅羣勢難隻尻高
首偏下穿洞行匍匐入井復出井牽絙用全力支木接斷橋
崿空上危壁到頂地平坦舊締化人域千峯總圍抱一氣周
鼎鑪造化理所無到者人方識辛苦苟未經奇快何由得彌
勒許同龕留此桑下迹

天都峯

黃山天下奇天都峯之特絕地九百仞陡如下斧劈勢疑塞
高空體許鎮地脉無心拔衆上衆自莫敢敵通體斷寸膚萬

石怒分坼蚪枝蟠千年蒼蘚積五色石室開曠朗甘泉流罅隙或云仙人都軒轅此游息浮邱與容成飛行無留迹斯理果不誣長生歸有德胡爲學仙人空聞鍊金石

下百步雲梯過華溝穿鰲魚洞作

山轉路滅沒險逾川中棧斗然遇雲崖直下足難踐已累百步梯誰數九折坂探奇志勇猛前進不敢嬾氣銳力副之崎嶇亦平坦迴合望欲迷凹凸勢莫鏗行過蓮花溝一線蛇蜿蜿是日雲烟凝四望失巉巖策恐支虛沙足防滑蒼蘚高步躋危岡恠倖忽在眼有境窺門垣無底入甌窰呀呬疑吞人僂行敢驕蹇漸穿巨鰲腹神定體幾瘡飛鳥斷蹤跡樵者見亦罕行宮逢容成丹臺路匪遠

過此爲鰲丹臺

登獅子峯望石筍石

奇巖搏象形雄踞高嶸嶙發興登其巔餘勇賈未窘後顧氣
混茫前瞻境虛牝到眼驚喜并荒幻見石筍刺天攢千戟逆
地出萬菌破碎互相糅逼迤邐徐引覩此靈奇質衆類覺窘
蠢物象隨人名但俗半堪嘲鬼工險莫加天匠巧欲盡而胡
六六峯轉使嘉名隱跡高人莫知箕賴樂肥遞維時罡風來
繁谷吼聲殷愜心願少延佇足防未穩下阪屢迴矚抗手情
豈忍

憩雲外峯趾度數嶺至皮蓬

以杉皮爲蓬

我從雲中來又尋雲外路稍稍憩雲根盤盤踟微步黯黯穿
荒榛喧喧問瀑布山花媚游人徑仄不暇顧少焉逢坦夷短
筇且停駐迴矚峯頭雲是我經行處澗泉趨正絕涉水濕芒
屨何來半聲鐘星星空際度撥雲間香林葱鬱凌羅樹山僧

松園孫

耕田係祖
孟陽後人

猶餘詩人趣相遇不言禪默默得靜悟前行

逐孤雲更向巉巖去

度萬年寺後嶺穿林涉澗緣岡踰嶺二十餘里至石

梁

出雲復入雲度嶺還上嶺遙山千圍合環抱下疑井闕步恥
後怯鼓勇赴前猛涉澗流方激穿林光欲暝是時秋氣高萬
樹微霜凝丹砂間點漆錯雜類文錦游目奇已過醉心趣旋
領輕身降平陂橫從辨畦町覓徑得荒庵舊名叩門乞苦茗迴
憶攀陟餘險夷變俄頃前聞輕雷聲殷殷路修永行將度石
梁漸入仙人境

石梁觀瀑

巨靈川全力兩崖忽分斷放出三白龍天矯互鬥戰莫窮水

之源直下急於箭巨石不容水水怒力逾悍水石兩相爭倒
躍勢撒漩如傾萬斛珠噴瀝濺崖岸漚合赴一門迅疾激雷
電俯看奔驛馬仰聯掛匹練久坐心骨寒乍驚耳目眩石梁
跨穹窿劍脊險逾棧猿鳥亦回蹤客子敢輕竄遇此逢仙真
堪使凡骨換雲裳許裁服芝草當餐飯津逮有何人渺焉悵
雲漢

瓊臺望雙闕

山形如缺瓜峩峩倚天半插根清淵陡削天匠鏤欲上無
梯級鳥路懸一綫行人縵線升有足不敢健猿挂憑攀藤蝸
旋疑陟棧終焉上層巔攬奇遂初願南峯闕然開雙闕峙對
面宛如龍門鑿亦似伊闕斷放眼千青螺重重裏峭嵒此中
列仙人蹤跡多變幻寸心果精堅鶴駕行可見何處天姥峯

夢魂餘眷戀

過金地嶺記所遇

層巒千迴折陡下忽平坦
洞洞松根泉蒼蒼坡間蘚藉蘚
挹泉流酌取冷然善何來
一老僧龐眉手自撚問僧
年幾何行將三大衍音示
我養生方無爲順仰俛忘
身並忘心數自莫能管
大藥在偶逢芥米肖龜
犬服之屏營爲亦足壯
關鍵熊經與鳥中古語
術空緬最下鍊金石伐
性適自殄語罷超然
行忽近旋忽遠我欲往
求之雲路迷深淺

黃山松歌

爲劉森堂作

古盎倏見盤蚪龍鱗甲剝落蒼苔封繆枝偃伏三尺許豈是
峨嵋頂上萬年不長孤生松問松托根來何從乃在黃山六
六之奇峯黃山山高接霄漢古松連蜷挂巖畔怒裂石罅斷

土膏日月光華潤枝幹工人善繩鑿長繩繫其軀下繩俯絕
澗萬丈懸空虛磊砢山骨巧斲破一卷怪石連根株遠從洞
府最深處千里移置幽人廬空堂時有烟靄起天都雲氣髣
髴來庭隅我對黃山松想象黃山巔浮邱與容成雲際時往
還安得身騎白鹿蒼崖間松肪食罷體輕舉抗手羣峯迎列
仙

張鐵橋畫鷹

鐵橋道人性疾惡慣寫蒼鷹露奇狀金眸閃爍爪拳鐵猛氣
稜稜出紙上空堂子立形軀然白鳥驚飛不敢颺陰山九月
天雨雪林木槎枒欲折此時翻空入雲去萬里高天灑毛
血胡爲歛翼棲枯枝掉頸獨刷毛羽奇從知畫師有深意要
令鵲鳥藏霜威草間孤兔不足擊健翮且漫橫空馳君不見

鴿鷁梟鳥多惡聲封狼破鏡時從橫會須使汝食其肉一洗
宇宙歸澄清坐看麒麟鸞鳳來明廷

濟南雙忠祠

祀巡按御史長洲宋
公歷下知縣韓公

大軍向南下屯聚攻危城雲梯攀躡爭先登陣雲壓城城欲
崩御史率縣令奮義抗強敵殺馬食民民不忍食裹瘡吮血
列防衛援絕兵殘勢危急是時日色無晶光天地黯慘飛嚴
霜御史登城望闕拜稱臣萬死無以報陛下一身誓與城俱
亡須臾城隅陷被執志不屈大聲呵叱如雷霆面受刀傷憤
殷血冲天烈燄骸骨銷原軫歸元竟空說兩公同日死騎箕
游昊穹握拳透爪追英風邦人立廟崇雙忠神之來兮雲旗
紅鳴呼千秋享祀歷城下以媿爲人臣而懷二心者

閱三朝要典

熹廟御極顏乾綱疎遠保傳親貂璫茄花委鬼互蚪結薰天
勢敵何披猖守原之問史貶斥況令婦寺紊朝常顧命老臣
半誅戮朝衣血裏投園牆清流白馬禍更慘一網盡矣空巖
廊顛倒是非著機史手翻三案詞併張詞云挺擊陷國戚追
論可灼誣先皇移宮熾鸞肆迫脅康妃八妹奔蒼黃更云筆
削繼孔聖大書特書明王章永爲人臣不忠戒冠以御製文
煌煌黨與秉筆亂忠佞顧秉謙黃立極馮銓等霾閉日月無精光同文館
獄書黨籍元祐君子遭摧戕二蔡二惇恣兒戲竟使二帝幽
窮荒此書千古同繆戾力鉏忠耿扶姦彊從來事往有定論
青蠅白璧終顯彰刑餘死骨斷身後正士祀典修烝嘗所惜
國本旣剝喪再傳宗社旋淪亡小人勿用著聖訓承家開國
須周防

鬼車

夜寒慘澹陰風呼長天咿嘖疑訓狐乍東乍西無定響倏斷
倏續行空虛一聲初起衆聲應似有萬鬼同悲獻家人聞聲
滅燈火掩耳且勿驚童雛蠻奴拍手嚇犬吠羣犬狂叫奔街
衢或云妖鳥鬼部領滿車載鬼雲端趨車中鬼眼運鬼手下
瞰雞鶩殘其軀或云此物最荒恠兩翼十首形容殊當年天
狗斷一首至今頸血猶模模淋漓一滴濺華屋高門大宅應
焚如世間無物比陰毒但所過處思驅除吾生疾惡性最猛
擬抽弩矢彎雕弧寒雲漫天暗如漆何從覓影行誅鉏夜深
飛鳴勢轉盛欲挾鬼族游清都妖麼莫漫矜得意東方會見
升金烏

客談燒山事甚詳詩以紀之

叢山合沓藏於菟目睨舌謬常負隅封狼獾獠連元狐醜類
朋比甘爲奴食人白骨堆霜顛下及麋鹿牛羊豬俚魂蚩蚩
効前驅獵人蹶張墮雕弧時常獵月風割膚蕭蕭苦竹鳴黃
蘆四山草木僵不蘇壯夫憤激忘其軀火攻巢穴良可夫始
焉數點疑火珠乍隱乍現光模餽忽看烈燄漫空虛炎炎照
耀千里餘林神社鬼來獻訣返風滅火大雨濡山君咆哮走
郊墟血人於牙肆吞屠上帝赫怒行天誅祝融經天色純朱
彤旂赤纛翻絳旗火龍蜿蜒火馬俱巖焦谷爛驚斯須榛莽
灌櫟遭焚如山精木魅潛逃遁炮燄猛獸燔厥徒存者竄伏
黨與孤兒童伸手編其鬚往時靜靜安在平開闢險徑爲坦
塗遠近寧貼無驚呼除妖降祥瑞則符麒麟騶虞世豈無鳴
呼麒麟騶虞世豈無

趙忠毅公

爲將

鐵如意歌

爲將中
關賦

蔣侯購得鐵如意銀絲鏤飾存款識額圖太極八卦形背列
天垣斗星位銘辭無多詎詰屈廉而不劇君子器銘流傳知
自忠毅公年月日與姓名備維公生值桓靈朝婦寺秉政同
宣驕紛紜鉤黨禍正慘孟博繫獄訴咎絳城狐社鼠不易去
悲歌擊節心憂焦上方請劍空有志唾壺敲缺真無聊賢臣
從古一網盡遺禦魑魅投邊郊邊草荒荒斷行跡邊風蕭條
邊月白尚書振臂忽起舞手持故物還拂拭一揮天地欲低
昂想見鬚髯立如戟賜環無詔來邊庭萬里忠魂歸不得陵
谷變換廟鼎遷尚書手澤今依然光彩爛爛照四筵鬼膽震
懼那敢前珊瑚二尺不足擊指揮井勿談枯禪蔣侯蔣侯知
爾所寶在人不在物要令忠義之氣垂千年

蔡將軍歌

名人龍吳縣人天啟壬戌進士仕潯州守備遇獠
民亂力戰死子至中召死士入藤峽俘其魁縱火
焚之藤峽平詔贈人龍游擊將軍

蔡侯人世飛將軍身長九尺勇絕倫左射右射開六鈞上馬
下馬舉百斤生兒更似李亞子一門驍勇非常人時逢獠獠
反藤峽草木爲屋山爲門猿猴出沒肆攫奪青天白日誅平
民將軍奉詔入重地膽大直欲通於身十蕩十決勢莫敵生
鵠橫入烏鴉羣峽深路險援兵絕漫山賊衆如蜂屯將軍願
死不顧生呼聲動天雙目瞋伏劍血流體僵立義憤上訴天
爲昏郎君慟哭召死士拔刀誓衆風雷奔前驅遇賊氣欲吞
殺賊不異屠雞豚深入巢穴縛渠魁揮刃刈噲何紛綸餘黨

拘攣夾砧斧一火木石俱遭焚埽清藤峽只旦夕報主差足
酬先臣當年平播砒朝棟史書劉綌昭殊勳揚應龍反播州將軍劉
誼討平之朝棟應龍子
也將軍父子闕紀錄雖經贈爵終沈淪敢告右史秉特筆臣
忠子孝光乾坤

魏傅巖畫墨竹歌

鄱南公子髯如戟眼中無物氣無敵醉餘揮筆埽竹枝倏忽
琅玕勢千尺一叢新長成籀龍亭亭直上捎青空一叢礧昨
忽斜出寒梢俯地烟濛濛一叢偃蹇穿石罅蕭疎鳳尾搖清
風兩枝枯幹頭且童勁節中斷如截葱其後崇岡惟石各異
態千梢萬蘂隨橫從乃知成竹在胸次元氣入手人無功自
言北地寒威酷只有黃沙少修竹平生愛竹如性命借此豪
端洗塵俗坡圖涼氣來滿堂觀者動色神蒼茫恍惚風雨黃

陵鷗鴟語令人咫尺游瀟湘

贈王耘渠丈兼道別

昔年相遇秦淮樓樓頭買醉澆牢愁今年秦淮復相見落拓
依然縱談讌鬚髮白盡兩頰紅興高奪稍羣英中酒酣耳熱
肝膽露豪情右盼還左顧先生少主文章盟使筆直使秋空
鷹跨海欲掣掉尾鯨意氣魁壘山嶽傾像章干雲世誰用龍
泉貫斗光難平一官如泥等閒棄鳳鳥肯逐羣雞鳴杜陵老
去依幕府醉後登牀傲嚴武青鞵萬里歸去來滿徑蓬蒿守
環堵同空那及倚氏盈名塞滄瀛竟何補唯餘愛才一寸心
結交忘年到爾汝酒間誦我新詩篇爲言逸興凌雲烟低昂
奮袖時起舞淮樓四座停歌筵我生厄塞殊自憐途窮慟哭
年復年一人知己可不恨何況推獎逢高賢爲雲爲龍未可

定東西南北安得相周旋
春花落盡離鄉久歸心觸撥濃於
酒東風知我重離羣
當筵吹折秦淮柳前途彼此兩茫茫
天邊明月分清光
遙憶君家著書處金壇山下松花香

吳小仙雙松醉仙圖

天半雲雷卷中起龍吟虎吼空堂裏
誰掃雙松勢千尺吳生小仙醉時墨
几席陰森失豪素上拂元冥真宰怒
林間中酒一丈人頽然高卧忘其身
松風滿壑吹不醒一卧直欲三千春
何時起來松下更飲酒笑問乾坤無恙否

集黃尊古草堂觀山水圖作歌時黃將游武夷

五年相別今相見綠酒青燈夜開燕
主人酒酣示我新畫圖壁間高挂鸞
溪絹江流一漚水山岳數蟻邱咫尺
萬餘里浩氣凌滄洲空堂嵐氣出復
沒耳邊似聞熊羆叫嘯清懷愁忽

然川迴山斷勢平遠清沱淺渚林塘幽陰晴明晦遞變態粉

墨真許追冥搜坐間劉廣文

湘

嗟咨歎欲絕亦有王文學

學

睥睨分豪末我時把酒還披衿意興能窮造物窟我謂主人

工畫如工文筆未落時先凝神主人謂我作文如作畫要使

筆力回千鈞主賓相視復相笑此中三昧外人那得探其真

我不能畫解畫理如君畫師辭客兼一身酒闌脫帽意氣豪

自言趨捷追猿猱遍歷五岳到絕域采玉河畔嘗游遨武夷

九曲未沿溯使我夢寐心煩勞今日有酒且痛飲明朝茫茫

寒浪橫輕舸三十六峯試芒屨歸來敝染開邱壑高堂置酒

邀我看神往仙巖聽仙樂

本樂亦名仙樂

宋徽宗鸚鵡圖

巖廟畫手天所縱花卉翎毛無伯仲時危點筆太清樓萬里

江山供戲弄至今流傳鸛鵒圖御押垂垂挂當空松枝纖末
起長風羽族開張勢飛動一鳥門敗力已殫翻身下墜轉向
天一鳥憑空奮拳擊忽監其腦難回旋一鳥旁囑欲相助不
許雄猛摧衰殘從知渲染有至理扶持合在危與顛如何助
金滅耶律欺人孤寡前盟寒燕雲雖復兵禍結如以鳥雀隨
鷹鷂靖康之恥繼懷愍萬里龍沙夢初醒鸛之鵒之公辱之
稠宋佶桓略相等畫圖早已露先幾誰向幾先發深省馬角
難從塞外生有人將畫寄朝廷

朱弁在沙漢寄六帝
御容及徽宗御書

披圖似帶冰霜

戴文進看碑圖

魏武未嘗渡江看碑會稽之上虞其事莫須有也因
已載雜記中故詩亦從俗

三百年後碑當墮當墮不墮逢王叵此言似謬還似謠不解
解之無不可曹公看碑事有無錢唐戴進蓬寫出江上看碑
圖浩浩江流勢欲走撐空矗矗昂其首碑陰仰看者爲誰面
目生動軒須眉一人緋袍一官綠大帶撻尾腰間垂前者解
頤若有得後者沈吟良苦思從人奚官好結束屬鞬短後羌
兒服三鬟翦出桃花駒嚙尾嘶風與翹足此文傳是蔡邕讚
敏絕楊修識黃絹老瞞心思伏兵機就烹偏在能鳴雁聰明
受患今古同畫師微意傳豪翰吁嗟乎才子渝則戕其身夢
我浮則愛深舐犢空傷神何如投江抱屍知有父碑雖磨滅
心常存

覺生寺大鐘歌

牙角鬚鬚蟠老龍色相古黝兼青紅旋蟲踐踞列衆獸旁羅

鬼漢諸姦凶重逾萬石更萬石漢高廟器將毋同金泥傳自
明永樂遷都北地仍燕封廟社旣建鼎呂定次及梵宇成華
鐘道衍監造役兒氏數倍仙掌銘金銅彌陀華嚴薈全部沈
學士度筆藏稜鋒懸之傑閣入雲表六僧舉杵齊撞春當年
燕飛啄孺子南兵百萬爲沙蟲抄連瓜蔓凝碧血禍延赤族
鋤羣忠妄憑佛力消黑業趙趙聲徹天門重恒河沙數至無
算火燄滅熄刀輪空從來王者貴不殺豈緣衆教尊禪宗神
孫更創萬壽寺大瑞勢力移其中熹宗以後委諸地龍卧沙
草雲難從 熙朝郭西建寶刹重樓複殿棟宇隆錫名覺生
代木鐸警醒憤憤憐愚蒙鐘從廢寺徙新構萬牛迴首驅徒
工鯨鯨鼉鳴整課誦響達長樂隨天風我來郊原訪林麓一
徑委折趨靈宮諦視古蹟決雙背偉觀一豁平生胸因思雞

鳴埭西北巨鐘蝕土眠蒿蓬摩抄永樂二年鑄兩地禱福邀
天功一鐘淪棄聲久啞一鐘叩擊驚頑聾蒲牢亦等遇不遇
何況士類分雌雄獨惜大鑄置佛地虛無祗伴金仙蹤今
皇崇道講經學鴻都觀禮來耆童始終條理藉法物曷不
重鑄歸辟雍於倫於樂頌 聖德相和鼙鼓聲蓬蓬

夏日述感六首

旱潦頻仍後三吳風景殊民貧輕掛讓力盡畏征輸瘠土農
皆散平田麥已蕪吾生慙俯仰觸目總艱虞

糠粃聊充腹遷延及草根長官齊設粥黎庶最銜恩奔走誰
家子哀鳴到處村吏胥休蠹食國法至公存
癘疫連三月災荒歷二年空村多鬼語茅屋少炊烟乞命崇
淫祀招魂赴野田四方俱掩骼感此意茫然

三尺森然在無良尚有徒探丸分黑白劫客隱荏苒 聖

主時蠲賦賢臣欲繪圖爾曹須向善回首免刑誅

身世空搔首茫茫總不堪多金高甲第無食賤丁男救弊須

良策哀時敢戲談傳聞鴻雁羽肅肅去淮南

時淮民多就食四方

五行多錯迕恒雨又恒暘乍看修堤急旋聞屏水忙憂時勞

丙吉占策問京房玉燭資調變還期格昊蒼

岳鄂王墓

今古含冤地孤臣舊死忠已成三字獄竟廢十年功匡復憑
諸將沉淪念故宮六陵殘毀後泉壤泣英雄

大將迴戈日中原陷敵時朝廷輸幣帛父老望威儀天意竟
如此神靈儼在茲千秋見孤憤認取向南枝

漫興

見說岐山鳳和鳴及盛時羊腸千折險虎口一生危直節風
霜鍊清名草木知重華真至聖欵欵許陳詞

荃蕙成蕭艾芳馨忽變更申申詈正則下下考陽城擊斷憑
卿貳寬仁仰聖明猶存三代直野老有公評

有感

天上風雷過人間氣象新狐羣竟濡尾象齒足焚身有婉文
章伯誰爲社稷臣爾曹堪一笑回首等埃塵

夜發

古壘戍旗收烟中起棹謳風霜欺短褐星漢入歸舟鐙動江
樓影蛩吟野岸秋往來常此路欲白旅人頭

晚秋雜興

亢陽連四月凶歲歷三年恭遇成湯世難回覆閔天西風動

茅屋荒草滿原田黃雀虛求食飛鳴亦可憐

蓬戶吹常斷朱門廩亦空已判離骨肉無處醫兒童并邑征
求裏牛羊涕淚中誰能師鄭監圖繪達深宮

北闕須才喚山林士氣增菟羅到麻羣曲直中鈎繩周變逃
名苦孫宏對策能虛聲應共雪莫負璽書徵

送王蘭泉會試

之子魁南國邦人願枕經此行冰雪路歷盡短長亭水湧黃
流濁山橫岱嶽青廣川三策在望爾對明廷

月夜渡江

萬里金波照眼明布帆十幅破空行微茫欲沒三山影浩蕩
還流六代聲水底魚龍驚靜夜天邊牛斗轉深更長風瞬息
過京口楚尾吳頭無限情

吳山懷古

大觀亭榭俯丹梯千尺峯巔一杖藜孤嶺界分城內外
閩江劃破浙東西潮頭如馬當空立山勢猶龍入望低
吳越興亡總陳迹伍胥英爽震羣黎

三千強弩捍錢唐賜券分茅異姓王五季代傳唐土地
百年廟受宋蒸嘗林柯曾寵將軍號溪谷還霑錦繡光
所惜擁兵名義正未從羅隱伐朱梁

夫差曾報闔閭仇宋室南遷事竟休和議有人增歲幣
偏安無詔復神州中朝已灑長宏血塞北空間杜宇愁
莫上鳳凰山頂望冬青誰認舊陵邱

襄樊失守勢飄搖半壁江山付北朝餘燼但依新會水
無情深恨浙江潮君臣俘馘歸沙漠宮殿荒涼遍黍苗
唯有青山

終古在夕陽回首客魂消

舊邊詩九首

我國家內外一統萬方寧謐揆文奮武無遠弗届
矣閱明史見季年屯政不修邊事日壞民生凋敝因
作舊邊九首述往事益以慶太平也

憑關俯海舊邊疆一線迢迢指薊方外國梯航通貢賦高麗中
國邊
邦門戶重隄防渾河水合勞飛輓長白霜清冷戰場誰識天
心正東脊鬱葱王氣在遼陽

右遼東

漁陽重地衛幽燕倒馬飛狐關嶺連自從寧蒗無外鎮遂令

古北急防邊

初以大寧爲外邊永樂間李
王內徙而薊始重內邊矣

牧人度阪時驅馬名將當關

日控弦不有築城楊御史恐教羽檄達甘泉

都御史楊博修遼關
設防禦敵患少却

右薊鎮

大寧棄後守開平又見蒼黃失重城土木變後開平與和亦不能守正憶文皇聲
絕塞翻憐英廟誤親征風旗蔽野晨挑戰雪帳連山夜斫營
設險正須防上谷安邊總爲翼神京

右宣府

代北燒荒草木空防秋從古重雲中二關形勝環寧武三面
烽烟繞大同俺荅內侵邊柝苦吉囊遠寇陣雲紅行間欲問
平戎策魏尚當年有戰功

右大同

蘇武城頭落日低明妃冢畔暮雲迷重臣逐寇籌方略何喬新
遼東於厥清遺孽操戈釀禍梯黃龍疲馬帶霜馳代北土兵楊腹守
山西不問仁恩防邊日應歲歲荒原動鼓鼙

右山西

榆林遠過皋狼鎮洪武新兵設備多末季無人恢套口中朝
有恨棄黃河正統時所棄三更急雪還傳箭萬竈飢軍且枕戈能向
延綏勤挽粟馬騰土飽定如何

右榆林

賀蘭層嶂入雲霄五衛蒼茫殺氣遙冰結黃河飛敵騎風高
紅寺落盤雕牛羊野老常驅隴弓箭遊軍各在腰共識靈洲
沃行地蒿萊滿目莽蕭條

右寧夏

鎮連入郡咽喉地戍鼓邊笳晝夜聞鞏鳳徵兵須轉餉每歲調臨第西
鳳兵方守錫賴在木甘蘭失勢莫移軍移甘蘭軍獨駐花馬池亦非策之上者霜嚴萬堡停
樵爨雲暗千山亂馬羣倚劍儻能籌勝算獨教虞詡立殊勳

謝守時州開清道
招流亡羌人歸服

右固原

平羌斥堠界山丹白草黃沙沒馬鞍萬里洗兵西水弱三軍
鳴劍黑風寒永寧地險周防急哈密鞭長戍守難欲慰廟堂
勤遠意留屯邊境起凋殘

右甘肅

題王蘭泉三泖漁庄圖

魚扈連延接雁汀伊人新勒草堂銘三重湖泛天邊白九點
螺橫鳥外青菰米飯炊香淡淡水仙操動韻冷冷往來時有
樵夫迷問蒼微言愍性靈

蘭臺

蘭臺空署赴輪臺

詔遣從軍萬里來食祿自應持正論

至尊終是重良才不教天遠投魑魅更許兵屯闢草萊
想象高秋望京國一時回首白龍堆

送杭堇浦太史

殿頭磊落吐鴻辭文采何嘗憚作犧主吉上書明聖主劉蕡
劉策治平時隣翁旣雨談牆築新婦初婚議竈炊歸去西湖
理場圃青青還蕝向陽葵

南鎮

周禮會稽推首望大神作鎮鎮南方位同炎宿匪朱鳥德秉
離明祀赤璋寢殿闕宮常肅穆雲車風馬每騰驤吾皇
報饗勤成秩總爲蒼生祝降康

寄周迂村

移家自得天隨友

九臥鶴居皮市迂村自南里移
家居臨頓里恰符皮陸梅隱地

偕隱相攜孺仲妻向

共閒吟追汐社近聞直釣坐清溪行藏齒冷乘軒鶴文采心
驚斷尾雞何日隨君還故業一蓑烟雨課畊犁

北垞

白雲生高原忽渡南湖去遙知隔溪人應與雲相遇

曉起

疎星淡已無纖月猶木杪天末朝霞生烟中散羣鳥

雨泊話舊

寒雨蕭蕭夜打蓬蓬窗相對一燈紅十年無限存亡感并入
空江話雨中

過許州

到處陂塘決決流垂楊百里罨平疇行人便覺須眉綠一路
蟬聲過許州